

## **SYARAT-SYARAT PENAWARAN MASUK KE UNIVERSITY COLLEGE BESTARI**

Tawaran masuk yang diberikan kepada anda adalah tertakluk kepada syarat-syarat yang dinyatakan seperti berikut :-

### **1. Pemeriksaan Kesihatan**

Anda mestilah menjalani dan lulus pemeriksaan kesihatan. **Pemeriksaan kesihatan ini termasuk pemeriksaan air kencing untuk tujuan dadah.** Pemeriksaan kesihatan hendaklah dilakukan oleh Pegawai Perubatan yang berdaftar atau Pegawai Perubatan di Hospital/Klinik Kerajaan atau Klinik Swasta. Sila bawa borang pemeriksaan kesihatan dan keputusan pemeriksaan air kencing semasa anda melapor diri kelak.

### **2. Pengesahan Tawaran**

Anda dikehendaki mengesahkan samada anda menerima atau menolak tawaran ini dengan melengkapkan "**borang jawapan tawaran kemasukan**" yang dilampirkan serta mengembalikannya ke pejabat ini dengan segera sebelum tarikh melapor diri.

Sekiranya anda kesuntukan masa, anda boleh memaklumkan penerimaan tawaran melalui telefon terlebih dahulu dengan menyatakan nama, nombor kad pengenalan, nombor rujukan dan program yang ditawarkan kepada anda. Surat pengesahan penerimaan tawaran kemasukan hendaklah dikirimkan sebelum anda melapor diri.

### **3. Penempatan**

Pelajar diwajibkan tinggal di asrama dan hendaklah mematuhi segala peraturan serta arahan yang dikeluarkan oleh pihak UC Bestari. **Yuran asrama** adalah sebanyak RM 80.00 sebulan.

### **4. Pematuhan Peraturan**

Selama tempoh pengajian anda di UC Bestari ini :

- a) Anda mestilah mematuhi :
  - i) **Undang-undang Negara, Akta Universiti dan Peraturan UC Bestari.**
  - ii) **Keputusan-keputusan pentadbiran UC Bestari dan peraturan universiti yang berkenaan dengan anda.**
- b) Anda mestilah sentiasa memelihara nama baik UC Bestari dan menjaga harta benda serta kemudahan-kemudahan perkhidmatan daripada dirosakkan oleh sesiapa pun.
- c) Anda mestilah menghormati para pegawai, kakitangan dan pensyarah UC Bestari.
- d) Anda mestilah jangan melibatkan diri dalam sebarang kegiatan yang menghalang perjalanan dan urusan anda di UC Bestari.
- e) Anda mestilah bekerjasama dengan Bahagian Hal Ehwal Pelajar dan patuh kepada peraturan asrama.

- f) Anda mestilah mengambil bahagian dalam segala kegiatan akademik, kebudayaan, sukan, sosial serta perkhidmatan masyarakat yang dilaksanakan oleh UC Bestari untuk anda.
- g) Anda mestilah menjelaskan segala yuran yang dikenakan kepada anda oleh UC Bestari pada masa yang telah ditetapkan.

**5. Kenaan Yuran Semasa Pendaftaran**

Setiap pelajar dikehendaki menjelaskan Yuran Pendaftaran sebanyak **RM 440.00** semasa melaporkan diri pada tarikh yang telah ditetapkan pada surat tawaran rasmi. Perincian bayaran tersebut adalah sebagaimana jadual di bawah;

<b>Bil.</b>	<b>Perkara</b>	<b>Bayaran (RM)</b>
1	Yuran Pendaftaran	350.00
2	Deposit kunci asrama*	10.00
3	Insuran Takaful Perlindungan Berkelompok**	30.00
4	Yuran Kokurikulum	50.00
	<b>JUMLAH</b>	<b>440.00</b>

*\*Wang akan dikembalikan setelah kunci diserahkan dengan baik ketika mendaftar keluar tamat pengajian di UC Bestari.*

*\*\*Bayaran yang wajib dijelaskan pada hari pendaftaran*

**6. Peringatan**

UC Bestari berhak menarik balik tawaran ini atau menyingkirkan anda sebagai pelajar UC Bestari ini pada bila-bila masa jika pihak UC Bestari mendapati sebarang kenyataan atau maklumat yang anda berikan dalam permohonan anda tidak benar.

**7. Dasar pemulangan yuran pengajian/pendaftaran**

Pelajar berhak mendapat pemulangan yuran pendaftaran/pengajian mengikut kelulusan pihak UC Bestari.

**8. Kenaan Wang Hemat Diri**

Setiap pelajar dikehendaki membayar Wang Hemat Diri sebanyak RM100.00 sepanjang pengajian di UC Bestari sebagai cagaran kerosakan harta benda UC Bestari. Wang ini akan dikembalikan semula setelah pelajar tamat belajar di UC Bestari.